

դեցիսն ըստ իւրաքանչիւր կարողութեան՝ Ռեժ ղու-
ռուէն մինչև ի Ժ-ն և Ե ղուռուշն էառ յամենեցունց .
մինչ ի ԻԵՌ ղուռուշ իջեցոյց զայնքան պարտսն , խրատ
և քարոզ ասելով , աղաչելով պաղատելով ժողովըր-
դեանն , և զմնացեալն ամենայն եկեղեցոյ ըստ չափոյ
քաշխեաց , զի եկած ախարէթէն երթեալ վճարեսցեն :

Եւ յետ բանից այսոցիկ ըսկեալ զկարգ եկեղե-
ցեացն որոնել և զայլ ազգիս զանհամութիւն նկատել :
Քանզի նամակ և թուղթ ուղարկեաց յեկեղեցիսն՝ թէ
ա) Ով ոք իրիցանց ի յատենի սաղմոսերգութեանց կամ
ի կարգեալ ժամակարգութենէ հեղգեալ ծուլացի՝ ա-
նագան յամր զալով կամ զրաւելով , ինքն քահանայն
լուծցի և զամենայն քահանայական զհասկն նորա ա-
թոռակալն տէրունի վայելեսցէ : Այսմ հրամանացս
մտերմաբար կատարողքն աւրհնեալք լիցին իՔրիստոսէ :

բ) Դարձեալ պատուէր եւ հրաման եթէ Ով ոք
ի քահանայից՝ թէ զինչ պատճառի եւս՝ ի մէյխանէ
մտանէ , ինքն եւ իւրեան ծուխ լինող ժողովուրդն
նզովեալ եղիցին(*) :

գ) Եւ զերգօղ քնարացն և զխաղառքն , որ տա-
նէին ի հարսանիսն մեր ազգիս եւ զօրէնսն մեր ծի-
ծաղեալ ընդ խաղս արկանէին , քանզի հրեայ էին և
մահմետական . զայսոսիկ խափանեաց և ոչ այնուհետեւ
կարող էին տանելոյ զնոսա ի հարսանիսն :

դ) Եւ զայնոսիկ , որք կարգէին զգուստր և զոր-
դիսն , յետ ժամուն՝ մօտ կէս աւուրն արբեալ և զու-

(*) Լուս. Եւ թէ հանդիպեալ լինէր յերիցանց ոք հար-
կիւ ղուլուխի՝ էնկիչէրիքն զգենուին զկերպս իւրեանց ,
որ զգենուին ի զէմ աղային ըստ օրինի իւրեանց , և բե-
քէին առ վարդապետն՝ թէ Գտաք զսա ի մէյխանան , և նա
արգիլէր զնոսա յեկեղեցոյն . . . զորինչ կա . . . սեազուին
հա . . .